



SA GEMEENTE
SA CONGREGATION



Maandelikse bybel bespreking

deur Andre Harmzen

Seisoene

Diep donker groen, oranje en rooi kleure is besig om die wêreld rondom ons te versier. Die natuur word verander deur die draai van moederaarde. Die impak daarvan ervaar ons in die dalende temperatuur. Dit laat mens wonder – wat lê voor in hierdie winter...? Waaroor laat Herfs jou dink? Die verandering van herfs bring mens baie keer tot diep refleksie oor wat was en oor wat mag kom.

'Harvest festival' is 'n integrale deel van die Britse kultuur. In Suid Afrika het gemeenskappe dit gevier deur 'n 'dankdag' te hou vir die reën en die oes; of selfs 'n basaar om God te dank vir Sy seëninge deur die jaar. Om God te dank vir Sy genade en voorsiening is 'n gebruik wat ons sien en leer vanuit God se Woord. Vir millennia reflekteer mense al oor God se rol en impak in hulle lewens, en dit het gelei tot offers, feeste en diensbaarheid.

Oktober is 'n maand om stil te staan en te dink en beplan. Dit is 'n tyd om stil te word voor God. Dit is 'n tyd om ons Here se stem te herken en Hom te dank en te dien.

Preek tema vir die maand

deur Andre Harmzen

Wat dit beteken om dankbaar te wees

Om dankbaar te wees is om met 'n gevoel van erkentlikheid te leef. Ons is dankbaar vir verskeie dinge in die lewe – lewe, gesondheid, 'n huis, bed, kos, klere, kinders, familie ens. Die vraag is egter, hoe leef ek my dankbaarheid op die regte manier uit?

Dankbaarheid neem verskillende vorme aan, waarvan diensbaarheid net een aspek is. Die belangrike is egter 'hoekom' ons dankbaar moet wees. Romeine 8:31 gee ons insig hieroor: "Wat is nou ons gevolgtrekking oor al hierdie dinge? Dít: God is vir ons, wie kan dan teen ons wees?"

Gedurende Oktober maand gaan ons in meer diepte reflekteer oor ons verhouding met ons Here. Dit dring ons tot 'n diepe dankbaarheid. Kom luister, bid en bou saam met ons Gemeente aan jou verhouding met die lewende Here.





SA GEMEENTE
SA CONGREGATION

IN HIERDIE UITGAWE

**ONS GROET
JAN EN ELLA BISSCHOFF**

**DAG VAN PRET EN
PLESIER**

SOUL SURVIVOR

**KALENDER VIR DIE
VOLGENDE 3 MAANDE**

KONTAK ONS

Ons groet Jan en Ella Bisschoff

Jan skrywe: “Baie dankie vir die vriendelike woorde en geskenk met ons “afskeid” op 10 September. Ons bly vir eers aan in Engeland. Ons is beskikbaar om te help wanneer nodig.”





SA GEMEENTE
SA CONGREGATION

KALENDER OKTOBER 2018

EREDIENSTE IN LOUGHTON

14 OKTOBER OM 9 UUR

28 OKTOBER OM 9 UUR

TIENERKAMP BY CARROTWOOD

18:00 19 OKTOBER 2018 -

16:00 21 OKTOBER 2018

KERSSANGDIENS

25 NOVEMBER OM 9 UUR



Op die 22ste September 2018 is daar heerlik gekuier met 'n eg Suid Afrikaanse braai, stalletjies, tee tuin, springkastele en aktiwiteite vir die kinders.

Baie dankie aan almal vir die harde werk, ons maak volgende jaar weer so.





SA GEMEENTE
SA CONGREGATION

Soul Survivor

Die somer het 29 van SA Gemeente se tieners gaan kamp by Peterborough skougronde. Dis waar die jaarlikse Soul Survivor Week B kamp plaasvind. Die tiener Christenkamp word jaarliks gereël deur die Soul Survivor kerkgroep. Die doel van die kamp is om vir tieners die geleentheid te bied om saam met hulle vriende God te prys en meer te leer oor Christenskap.

Ons tieners het soos 1 groot familie saam gekamp. Die tieners het elke dag twee kerkdienste bygewoon. Die dienste was onderskeidelik gelei deur Mike Pilavachi en Andy Croft. Tydens elke kerkdiens is daar relevante tiener onderwerpe behandel. Die jaar was daar veral gefokus op tiener eensaamheid, verslawing, en die rol van sosiale media.

Daar was darem ook tyd vir baie pret soos 'n 'UV partytjie', 'n skaatspark, 'n 'silent disco' en laataand flieks. In die middag het ons tieners die geleentheid gehad om deel te neem aan verskillende sport sessies. Van ons tieners het suksesvol deelgeneem aan die jaarlikse 3km charity fun run.

Ons gaan volgende jaar weer kamp van die 17de tot 21ste Augustus by Soul Survivor week B in Peterborough. Ongelukkig sal dit die laaste Soul Survivor tiener kamp wees. Soul survivor het besluit om die tiener kampe te staak na 29 jaar se somers. Vir verdere inligting besoek gerus die kamp se webwerf by www.soulsurvivor.com





SA GEMEENTE
SA CONGREGATION

Kontak Andre Harmzen



Erediens Tye

Ons Eredienste is elke 2de en 4de
Sondag van die maand om 09:00
die oggend.

Adres

Baptist Church, 92 High Road,
Loughton, Essex, IG10 4QU
(Google Maps)

SA Gemeente Loughton Kerkkantoor
16 Baldocks Road
Theydon Bois
CM16 7EB

Epos: andre@sagemeente.com

Kontak Elmarie en Ena



Elmarie van der Westhuizen

Epos: noordwyk@sagemeente.com



Ena Wassermann

Epos: ena@sagemeente.com